

ՄԵՐ ՀԱՅՐԵՐՈՒՆ ԽՐԱՏՆԵՐԸ

ԱՍՏՈՒԱԾ ԿԸ ԼՍԷ ՄԵՐ ԱՂՕԹՔՆԵՐԸ, ԵԹԷ ԻՐ ԿԱՄՔԻՆ ՀԱՄԱՁԱՅՆ ԵՆ

1. Իրիկունը, առտուն ու կեսօրը պիտի գանգատիմ ու հառաչեմ: Անիկա պիտի լսէ իմ ձայնս (Սաղմոս 55:17):

2. Զիս պիտի փնտոնեմ եւ գտնեմ, ձեր բոլոր սրտով պիտի խնդրեմ զիս ու ես ձեզի պիտի երեւիմ, կ'ըսէ Տէրը (Եր. 29:13):

3. Արդարները կ'աղաղակեն եւ Տէրը կը լսէ ու իրենց բոլոր մեղութիւններէն կը փրկէ զանոնք (Սաղմոս 34:17):

4. Համարձակ կերպով կը դիմենք Աստուծոյ այն վստահութեամբ, որ երբ իր կամքին համաձայն բան մը խնդրենք՝ կը լսէ մեզ (Ա. Յովհաննու 5:14):


5. Խնդրեցէ՛ք Աստուծմէ եւ պիտի տայ ձեզի, փնտոնեցէ՛ք եւ պիտի գտնեմք, բախեցէ՛ք եւ պիտի բացուի ձեզի (Մատթէոս 7:7):

6. Եթէ այդպէս է կը նշանակէ, թէ անոնք, որ Քրիստոս Յիսուսի միացած են՝ դատապարտութեան ենթակայ չեն, քանի մարմնաւորապէս չեն ապրիր, այլ՝ հոգեւորապէս: Որովհետեւ Հոգիին Օրէնքը զիս Քրիստոս Յիսուսի միացրնելով կենդանացուց եւ ազատեց մեզի եւ մահուան ենթակայութենէն: Արդարեւ, ինչ որ Օրէնքը չի կրնար ընել մարդկային բնութեան տակ ըլլալուն պատճառով, Աստուած իրագործեց՝ աշխարհ զրկելով իր Որդին...

Շարունակել կարգով (Հռոմայեցիներու 8): Ամէն օր կարդանք Աստուածաշունչը եւ ունենանք Հոգեւոր սնունդ:

ԾԻՍԱԿԱՆ ԳԻՏԵԼԻՔՆԵՐ

ՀԱՅՑ. ԱՌԱՔԵԼԱԿԱՆ ԵԿԵՂԵՑԻՈՅ Ս. ՊԱՏԱՐԱԳ



**ՊԼՏՎՐԼԴԻ ԽՈՐՀՈՐԴԻՆ ՀԱՎՏԱՏՈՒՄԸ
2.- Պատրաստութիւն ընծաներուն
Գ.- ԲՈՒՆ Ս. ՊԱՏԱՐԱԳ կամ
ՀԱՄԱՏԱՑԵԱԼՆԵՐՈՒՄ Ս. ՊԱՏԱՐԱԳ**

Պատարագիչ քահանան՝ փոխանորդաբար պատարագուող Քահանայապետին՝ ծածուկ կը կարդայ.- «Առնելով հացը իր սուրբ, աստուածային, անմահ, անարատ եւ արարչագործ ձեռքերով՝ օրհնեց, շնորհակալութիւն յայտնեց, կտրեց, եւ իրեն հետ բազմամ ըմտրեալ եւ սուրբ աշակերտներուն տուաւ ըսելով», եւ ապա բարձրաձայն կ'եղանակէ.

«Առէ՛ք, կերէ՛ք, սահկա իմ մարմինս է, որ ձեզի եւ շատերուն համար կը բաշխուի, մեղքերու քաւութեան եւ թողութեան համար:

Յետոյ դարձեալ ծածուկ կը կարդայ. «Նոյնպէս բաժակը առնելով՝ օրհնեց, շնորհակալութիւն յայտնեց, խմեց, եւ իրեն հետ բազմամ ըմտրեալ եւ սուրբ աշակերտներուն տուաւ, ըսելով», եւ բարձրաձայն կ'եղանակէ.- «Խմեցէ՛ք ասկէ բոլորդ: Ասկա նոր ուխտի իմ արիւնս ...

Շարունակելի

ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ

ՔՈՒ ԽՕՍՔԻ ԽՄ ՈՏՔԵՐՈՒՄ ԵՐԱԳ Է ՈՒ ԽՄ ՇԱԽԴՆԵՐՈՒՄ ԼՈՅՍ (ՍՂ.119.105)

ՃԷ. ՏԱՐԻ ԿԻՐԱԿԻ, 4 ՕԳՈՍՏՈՍ 2024 ԹԻՒ 31

ԿԻՐԱԿԻ ՕՐԵՐՈՒ ԱՍՏՈՒԱԾՆԱԶՆՉԱԿԱՆ ԸՆԹԵՐՑՈՒՄՆԵՐ
ԵՍ 62.1-11: Բ. Տմ 2.1519: Յհ 6.39-47

**ՅԻՍՈՒՄ ՔՐԻՍՏՈՍԻ ԱՒԵՏԱՐԱՆԸ
ԸՍՏ ՅՈՎՀԱՆՆՈՒ 6.39-47**

Մեր Տէրը Յիսուս Քրիստոս կ'ըսէ.-
«Զիս դրկող Հօրս կամքն է, որ չկորսնցնեմ ո՛չ իսկ մէկը բոլոր անոնցմէ, որոնք ինձի տուաւ, այլ՝ յարուցանեմ զայն վերջին օրը: Հօրս կամքը հետեւեալն է, ով որ տեսնէ Որդին եւ հաւատայ անոր՝ յաւիտեանական կեանք կ'ունենայ, եւ ես պիտի հարուցանեմ զայն վերջին օրը»:

Հրեաները սկսան տրտնջալ իրեն դէմ, որովհետեւ ըսած էր, թէ.- «Ես եմ երկնքէն իջած հացը», եւ կը հարցնէին. «Այս մարդը Յովսէփի որդին Յիսուսը չէ՞, որուն հայրն ու մայրը կը ճանչնանք: Ինչպէ՞ս ուրեմն կ'ըսէ՝ «Ես երկնքէն իջայ»: Յիսուս անոնց պատասխանեց. «Կը բաւէ դուք ձեզի քրթմնջէք: Ոեւ մէկը չի կրնար ինձի գալ, եթէ զիս դրկող Հայրը զայն ինձի չբերէ, եւ ես պիտի յարուցանեմ զայն վերջին օրը: Մարգարտութիւններուն մէջ գրուած է. “Ամէն մարդ Աստուծմէ ստրված պիտի ըլլայ”: Ով, որ Հօրմէս կը լսէ եւ իրմէ կը ստրվի՝ ինձի կուգայ: Ոչ ոք Հայրը տեսած է, բացի անկէ, որ Աստուծմէ է, որովհետեւ միայն անիկա տեսած է Հայրը: Ու ես կ'ըսեմ ձեզի. Ով որ ինձի հաւատայ՝ յաւիտեանական կեանքը կ'ընդունի»:

Որդին տեսնելու միակ տեղը Աստուածաշունչ մատեանն է, ուր կը կարդանք Տիրոջ մասին, կը ծանօթանանք անոր, ինչպէս նաեւ կեանքի իր տուած ցուցմունքները կը վերածենք գործնական միջոցին մեր կեանքին մէջ: Հետեւաբար մենք այսօր հրաւիրուած ենք ապրելու հաւատքը Աստուածաշունչ մատեանի ճամբով եւ զօրութեամբ:

ԱՊՐԻՆԸ ՄԵՐ ԿԵԱՆՔԸ ԱՍՏՈՒԾՈՅ ԶՕՐՈՒԹԵԱՄԵ ԵՒ ԻՍԱՍՏՈՒԹԵԱՄԵ

ՃՐԱԳ ՇԱՐԱԹՎԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ -
Bourj-Hammoud, P.O.Box 80810 -Tel/Fax:01-258300- facebook-ի էջ Jerak Ճրագ թերթ
ՃՐԱԳ-ը կը պատրաստէ՝ Սարգիս Ա. Քինյ. Սարգիսեան

